

ԱՐՑԱՆԻ ԳԱՎԱՌՆԵՐԸ ԸՍՏ «ԱՇԽԱՐՀԱՑՈՅՑ»-Ի ԵՎ ԴՐԱՆՑ
ՏԵՂԱԴՐՈՒԹՅԱՆ ՀԱՐՑԻ ՇՈՒՐՋ*

ՀՏԴ 941.(479.25)

Եղիազարյան Վանո

Վանաձորի պետական համալսարան,
Հայոց լեզվի և գրականության ամբիոն,
բանասիրական գիտությունների դոկտոր պրոֆեսոր
vano.exiazaryan@mail.ru

Հակոբյան Լեռնիկ

Վանաձորի պետական համալսարան,
Հայոց լեզվի և գրականության ամբիոն,
Բանասիրական գիտությունների թեկնածու
LernikHakobyan.70@mail.ru

Սույն հոդվածի խնդրո առարկան Արցախի գավառներն են և դրանց աշխարհագրական տեղադրության ճշգրտումը: Հոդվածի նպատակն է «Հայաստանի և հարակից շրջանների տեղանունների բառարան»-ում Արցախ աշխարհի գավառների մասին եղած տեղեկությունները լրացնելն ու հնարավորինս ամբողջացնելը: Հոդվածի արդիականությունը հայագիտության մեջ ճշգրտված տեղեկությունների ներդրումն է, իսկ գործնականում այն կժառայի արցախագիտությանը: Հոդվածում կիրառել ենք պատմական և հերմենևտիկայի մասնագիտական մեթոդները: Հոդվածի գիտական նորույթն Արցախի գավառների թվի հստակեցումն է՝ «Աշխարհացոյց»-ի բնագրի սրբագրմամբ, նաև՝ 12 գավառների տեղորոշման ու «Հայաստանի և հարակից շրջանների տեղանունների բառարան»-ում ներկայացված տեղեկությունների ճշգրտումը:

Բանալի բառեր՝ Արցախի գավառներ, Հայաստանի և հարակից շրջանների տեղանունների բառարան, գավառների տեղադրության ճշտում, նոր տեղանուններ:

Ներածություն

Արցախի գավառների և նրանց տեղադրության շուրջ հայագիտության մեջ եղել են ուսումնասիրություններ, սակայն հարցը չունի հստակություն և որոշ հարցեր տակավին մնում են չպարզաբանված:

Ինչպես գրում է Բաբկեն Հարությունյանը «Հայոց Արեւելից կողմերի վարչական բաժանումն ըստ «Աշխարհացոյց»-ի» հոդվածում, հարցը թեև ուսումնասիրվել է, սա-

* Հոդվածը ներկայացվել է 16. 05. 2022:

Տպագրության է երաշխավորել ՎԴՀ պատմության ամբիոնի վարիչ, պ.գ.դ. պրոֆեսոր՝ Ֆ. Մովսիսյանը:

21. 05. 2022:

Հոդվածն տպագրության է ընդունվել 7.06.2022:

Հոդվածին կցված քարտեզը կազմել է Լ.Հակոբյանը՝ որպես արցախցի ծանոթ լինելով աշխարհագրությանն ու տեղանքին:

կայն այն «ցայսօր պատկանում է Հայաստանի պատմական աշխարհագրության վիճելի խնդիրների շարքին»¹

Հնագույն հիշատակությունը Արցախի աշխարհի և նրա 12 գավառների մասին Սովսես Խորենացու «Աշխարհացոյց»-ն է, որտեղ թեև հիշատակվել է 12 գավառ ունենալը, սակայն նշվել է 13 անուն. *«Արցախյն յերի կալով Սիւնեաց. ունի գաւառս երկուտասան, զՄիւսն Հաբանդ, զՎակունիս, զԲերձոր, զՄեծիրանս, Մեծկուանս, զՀարձ-դաւնս, զՄուխանս,*

*զՊիանս, զՊաժկանս, զՍիսականիս, զԿոտակ, զՔուստիփառէնս, զԿոխտ, յորում լինի քարախունկ. գայս ամենայն Աղուանք ունին հանեալ ի Հայոց»*²:

Ըստ էության «զՍիսականիս, զԿոտակ» անունների արանքում ստորակետ չափի լինելը, քանի որ Սիսական Կոտակը կամ Սիսական Ոստանը մեկ գավառի անուն է, ինչը սրբագրվել է 7-րդ դարի «Աշխարհացոյց»-ում. *«Արցախյն յերի կայ Սիւնեաց. գաւառք են ի ննա երկուտասան, զոր Աղուանք ունին. Միւս Հաբանդ, Վակունիք, Բերդաձոր, Մեծկուանք, Մեծիրանք, Հարձլանք, Մուխանք, Պիանք, Պանժկանք, Սիսական ոստանն, Քուստիփառնէս, Կողթ՝ յորում լինի քարախունկ»*³

Ըստ այդմ՝ Արցախի 12 գավառներն են.

1. Մյուս Հաբանդ, Մյուս Խաբանդ
2. Վայկունիք, Վակունիք
3. Բերդաձոր, Բերձոր
4. Մեծիրանք, Մեծ Առանք
5. Մեծվանք, Մեծկուանք, Մեծ Կուենք, Մեծ Կողմանք
6. Հարձլանք, Հարջլանք
7. Մուխանք
8. Պիանք
9. Պարզկանք, Պաժկանք, Պանժկանք
10. Սիսական Ոստան, Սիսական Կոտակ, Սիսական Քուակք
11. Քուստիփառնես, Փառիսոս
12. Կողթ:

Այն դեպքում, երբ «Աշխարհացոյց»-ում Արցախի գավառները ներկայացված են վերոնշյալ անվանաձևերով, Բագրատ Ուլուբաբյանն ավելացրել է նաև Սողքը՝ թվարկելով Արցախի հետևյալ գավառները. «1. Մյուս Հաբանդը («Մյուս» էին կոչում Սյունիքի Հաբանդից տարբերելու համար), 2. Վայկունիքը, 3. Բերդաձորը, 4. Մեծ Առանքը, 5. Մեծ Կողմանքը կամ Մեծ Կվենքը, 6. Հարձլանքը, 7. Մուխանքը, 8. Պիանքը, 9. Պարզկանքը, 10. Փառնեսը կամ Փառիսոսը, 11. Կողթը եւ 12. Սողքը»⁴: Նշենք, որ ըստ «Աշխարհացոյց»-ի Սողքը Սյունիքի գավառներից է⁵, սակայն Բ. Ուլուբաբյանը հիշատակել է այն որպես Արցախի գավառ, ավելին՝ չի նշել Սիսական Ոստան գավառի անունը:

Ավելի վաղ Շահեն Մկրտչյանը գրում է. «Վարչատարածքային առումով Արցախը բաժանված է եղել 12 (իսկ որոշ ժամանակներում՝ 14) գավառի՝ շրջանի: Ահա

¹ Հարությունյան Բ., Հայոց Արեւելից կողմերի և Աղվանքի պատմության ու պատմական աշխարհագրության հարցեր, հոդվածների ժողովածու, Երևան, 2016, էջ 59:

² Մատենագիրք հայոց, հտ. Բ, Անթիլիաս-Լիբանան, 2001:

³ Մատենագիրք հայոց, հտ. Բ, Անթիլիաս-Լիբանան, 2001:

⁴ Ուլուբաբյան Բ., Արցախի պատմությունը սկզբից մինչև մեր օրերը, Երևան, 1994, էջ 10:

⁵ Նույն տեղում, էջ 2151, 2172, 2188:

դրանք. Մյուս Հաբանդ (Սիսական-ի-Ոստակ), Հարձլանք-Վարդանակերտ, Մուխանք, Պարզկանք, Պիանք, Մեծ Իրանք կամ Մեծ Առանք, Վայկունիք կամ Ծառ, Բերդածոր, Կողթ, Փառնես, Քուստի և Մեծ Կվենք»¹:

Նկատենք, որ գավառների այս թվարկումը ևս հեռացել է «Աշխարհացոյց»-ից, մասնավորապես՝ Սիսական-ի-Ոստակը Մյուս Հաբանդի հետ նույնացնելն այն դեպքում, երբ «Աշխարհացոյց»-ում դա հստակ տարբերակված է, տեղին չէ: Թերևս այդ պատճառով էլ 12 գավառը լրացվել է Փառնես և Քուստի անվանումների տարանջատումով, մինչդեռ դա նույն՝ Քուստիփառնես գավառն է:

Բոլորովին այլ՝ թվով 15 գավառ է հիշատակում Սամվել Կարապետյանը՝ առանց նշելու իր աղբյուրը. «է դարում ստեղծված Աշխարհացոյցի համաձայն՝ Արցախն ուներ 15 գավառ՝ Մեծ Կվենք, Քուստ-ի Փառնես, Կողթ, Աղվե, Տռի, Բերդածոր, Վայկունիք, Մեծ Առանք, Ռոտ-ի Պազկան, Պիանք, Պազկանք, Մուխանք, Մյուս Հաբանդ, Հարձլանք և Սիսական-ի Ոստան»²: Իրականում այս շարքում հիշատակված Աղվե, Տռի, Ռոտ-ի Պազկան գավառները Արցախ աշխարհի գավառները չէին, այլ՝ Ուտիքի:

Ուշագրավ է նաև Մակար Բարխուդարյանցի մոտեցումը, որ «Գարգարացոց» բնակատեղին սկզբում կոչվել է «Գարգար, հետզհետե՝ ընդունում է Արցախ, Փոքր Սյունիք, Խաչենք, Սեալ այգի և Ղարաբաղ անունները»³, իսկ Արցախի գավառները բաժանում է երեք խմբի՝ Ղաշտային կամ Ստորին, Լեռնային կամ Միջին Արցախ և Հարավային կամ Վերին գավառներ: Հետաքրքիր է, որ Մ. Բարխուդարյանցը հիշատակում է Արցախի 24 գավառ՝ սրանց մեջ ներառելով նաև Ուտիքի գավառները, ինչն ընդունելի չէ:

Ըստ Մակար Բարխուդարյանցի՝ **Ղաշտային կամ Ստորին գավառներից** են Պիանքը,

Մուխանքը, Կողթը: **Լեռնային կամ Միջին Արցախի գավառներից** են Պազկանքը, Մյուս Հաբանդը, Մեծիրանքը, Սիսական Ոստակը⁴, Մեծկողմանքը, Քուստիփառնեսը: **Հարավային կամ Վերին գավառներն** են Բերդածորը, Հարձլանքը, Վայկունիքը, Սիսական-Ոստանը:

Խնդիրը պատմագիտական և պատմաաշխարհագրական գիտական հայեցակարգերով քննել են Սուրեն Երեմյանն ու Բաբկեն Հարությունյանը, որոնց կանոնադառնանք առանձին գավառների տեղադրության հարցի քննության մեջ:

Արցախի գավառները և դրանց տեղադրությունը

Եթե փորձենք համակարգել Արցախի 12 գավառներն՝ ըստ «Աշխարհացոյց»-ի, ապա կստանանք հետևյալ պատկերը.

¹ Մկրտչյան Շ., Արցախ, պատմամշակութային համառոտ ակնարկ, Երևան, 1991:

² Կարապետյան Ս., Արցախ, քարտեզագիրք, Երևան, 2016, էջ 1:

³ Բարխուդարեանց Մ., Արցախ էջ 26:

⁴ Այս անունով գավառ Արցախում չի հիշատակել «Աշխարհացոյց»-ը: «Հայաստանի և հարակից շրջանի տեղանունների բառարան»-ում այն նույնացվում է Ռոտստակ գավառակի հետ: Իսկ Բ. Հարությունյանն այն նույնացնում է Սիսական Ոստանի հետ:

1. Մյուս Հաբանդ գավառը տարածվում է Կարկառ գետի աջափնյակից մինչև Դի-գավայտի լեռները և Քիրսի լեռնաշղթայից մինչև Մուղանի դաշտի արևմտյան սահմանը՝ ընդգրկելով Հաղրութի և Մարտունու շրջանների մի մասը¹:

Գավառը Հաբանդ անունով հիշատակել է Փավստոսը. *«Եւ այսպէս սպանին զառաքինի քարոզն Քրիստոսի զմանուկն Գրիգորիս: Եւ ապա բարձին զնա որք ընդ նմա երթեալ էին ի գաւառէն Հաբանդայ, եւ բերին ի գաւառն իւրեանց ի կողմանս Աղուանից ի սահմանս Հայոց ի Հաբանդ, ի գետն՝ որ անուանեալ կոչի Ամարագ»*²:

«Եվ այսպես սպանեցին Քրիստոսի առաքինի քարոզողին՝ մանուկ Գրիգորիսին: Ապա այն մարդիկ, որոնք Հաբանդ գավառից զնացել էին նրա հետ՝ վերցրին նրա մարմինը և բերին իրենց գավառը Հաբանդ, Աղվանից կողմերում Հայաստանի սահմանում, Ամարագ կոչված գյուղը»:

Նույն բանը հիշատակում է նաև Մովսես Խորենացին, սակայն Հաբանդ գավառի փոխարեն նշում է Փոքր Սյունիք. *«Իսկ ի հասանել համբաւոյ վախճանին Տրդատայ, ի դաւելոյ նորին Սանատրկոյ եւ այլոց ոմանց հանապազասուտ արանց Աղուանից՝ սպանին զերանելին, ընթադրեալ ծիովք, բարբարոսքն ի Վատնեան դաշտին, մերձ ի Կասբիական կոչեցեալ ծով:*

Չոր բարձեալ սարկաւազաց նորին, բերելով ի փոքր Սիւնիս, թաղեցին յԱմարաս աւանի»:

«Իսկ երբ Տրդատի վախճանվելու լուրը հասավ, բարբարոսները նույն Սանատրուկի և ուրիշ մի քանի միշտ սուտ խոսող աղվանների դավերով, երանելի Գրիգորիսին սպանեցին Վատնյան դաշտում, Կասբիական կոչված ծովի մոտ, ծիերի ոտնատակ տալով:

Նրա սարկավագները նրա մարմինը բերին Փոքր Սյունիք, թաղեցին Ամարաս ավանում»:

Ուշագրավ է, որ հենց Մյուս Հաբանդ գավառում է Ամարասը, ինչի մասին հստակ հիշատակում է Մովսես Կաղանկատվացին. *«յԱմարաս գիւղաքաղաքն, որ էր ի գաւառին Հաբանդայ»*⁴. *«Ամարաս գյուղաքաղաքը, որ գտնվում էր Հաբանդ գավառում»*⁵: Պատմության շարահարության մեջ Մովսես Դասխուրանցին նույն գավառն անվանում է Հաբանդ-Ամարաս⁶:

Ըստ Մեսրոպ Վայցծորեցու Գահնամակի՝ Արշակունի թագավորի խնճույքի սեղանին՝ 139-րդ բարձին բազմելու իրավունքը Խաղբյան ազնվական տոհմինն է: Խաղբյանները հենց Հաբանդ գավառի տերերն էին, ովքեր Արցախի Առանշահիկ նախարարական տանից էին, որոնցից ծագել էին Խաղբակյանները, որոնց ժառանգները Պռոշյան իշխաններն էին⁷:

¹ Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.1, Երևան, 1991, էջ 844:

² Փավստոս Բուզանդ, Հայոց պատմություն, Ա, գ:

³ Մովսես Խորենացի, Հայոց պատմություն, Գ, գ:

⁴ Մատենագիրք հայոց, հտ. ԺԵ, Երևան, 2011 էջ 72:

⁵ Մովսես Կաղանկատվացի, Պատմություն Աղվանից աշխարհի, թարգմանությունը, առաջաբանը և ծանոթագրությունները Վարազ Առաքելյանի, Երևան, 1969, էջ 29:

⁶ Նույն տեղում, էջ 256:

⁷ Տե՛ս Մեսրոպ Վայցծորեցի, Սուրբ Գրիգոր Լուսավորչի տոհմի մասին և Սուրբ Գրիգոր Լուսավորչի տոհմի մասին և սուրբ Ներսես հայոց հայրապետի պատմությունը, թարգմանությունը գրաբար բնագրից, առաջաբանը և ծանոթագրությունները Վանո Եղիազարյանի, 2015, էջ 165:

Ղ. Ալիշանը Մյուս Հաբանդ գավառը սահմանակից է համարել Սյունիքի Հաբանդ գավառին. «Մյուս Հաբանդ, այսինքն՝ տարբեր Սյունիքում գտնվածից. սկսվում է նրա ելքից եւ տարածվում է Մեծիրանքի հարավում»¹, ապա այն անվանել է Ամարաս և Ասկերան²:

Ըստ Մ. Բարխուդարյանցի՝ Մյուս Հաբանդ գավառը Լեռնային կամ Միջին Արցախի գավառներից է, որն «ընկած է Ղուրու չայի ծախ և Գարգար գետակի աջ ափերի, Դիզափայտ և Քիրս լեռնաշղթայի գագաթնագծի և դաշտաբերանի մեջ, ստացած է Միւս Հաբանդ կամ Հաբանդ-Ամարաս, Վարանդայ, այժմ ևս Վարանդայ անունները»³:

Ս. Երեմյանը փորձել է Մյուս Հաբանդ գավառը նույնացնել Սիսական ի Ոստան կամ Սիսական ի Կոտակ գավառի հետ⁴, ինչն ընդունելի չէ: Բ. Հարությունյանը իրավացիորեն հերքել է այդ տեսակետը, և միաժամանակ Մյուս Հաբանդը տեղադրել է «Սյունիքի Հաբանդ գավառի հարևանությամբ՝ տարածելով այն մինչև Ամարասի կողմերը»⁵ (այս կարծիքին է նաև Ն. Ադոնցը)⁶, ինչն ևս ընդունելի չէ մեզ համար, քանի որ Սյունիքի Հաբանդ գավառին սահմանակից է Բերձոր գավառն, որից անդին նոր միայն Մյուս Հաբանդ գավառն է:

Ըստ Հ. Ոսկյանցի Մյուս Հաբանդ գավառում են գտնվում Ամարասի վանքը⁷ Ավետարանոցի Կուսանաց անապատը Շեխերի վանքն և այլն: Գավառի կենտրոնը եղել է Ամարաս ավանը՝ համանուն գետակի ափին:

Այսպիսով՝ Մյուս Հաբանդ գավառը սահմանակից է արևմուտքից՝ Բերձորին, հարավից՝ Պազկանքին, Հարձլանքին, արևելքից՝ Մուխանքին, հյուսիսից՝ Մեծառանքին, նրա սահմանները տարածվում են Քիրսի լեռնաշղթայից մինչև Մուղանի դաշտի արևմտյան սահմանը՝ մինչև Ամարաս և Կարկառ գետի ողջ աջափնյակը՝ մինչև Ակնաքաղաք:

Այս գավառի տարածքի մեջ են մտնում այժմյան Մեծ Թաղլար, Ազոխ, Դրախտիկ, Շեխեր, Ավետարանոց, Սղնախ, Թաղավարդ, Կարմիր շուկա, Հերիեր, Մաճկալաշեն, Սոս, Քարահունջ, Քերթ, Հացի, Նախիջևանիկ, Շոշ, Դաշուշեն գյուղերը և այլն⁸:

2. Վայկունիքը Թարթառ գետի վերին հոսանքի շրջանն է, որը հետագայում անվանվել է նաև Ծար գավառ. այն հայտնի է իր բնական տաք ջրերով՝ ջերմուկներով և անվանվել է «Բաղանիք արքունականք» կամ Վայքունիք Զերմուկ⁹:

Մովսես Խորենացին բացատրել է գավառի անվան ծագումը. *«Քանզի էր լուեալ եւ համբաւ, թէ Վայկուն ոմն անուն յեղուզակ խռովէր գերկիրն Հայոց, զլեառն ամուր կալեալ, որ մինչեւ ցայժմ յանուն յեղուզակին կոչին Վայկունիք»* | *«Որովհետև (Տիգրա-*

¹ Ալիշան Ղ., Արցախ-Երևան, 1991, էջ 92:

² Նույն տեղում, էջ 147:

³ Բարխուդարյանց Մ., Արցախ էջ 21:

⁴ Տե՛ս Ս. Երեմյան, Հայաստանը ըստ «Աշխարհացոյց»-ի, Երևան 1961, էջ 70:

⁵ Հարությունյան Բ., նշվ. աշխ., էջ 76:

⁶ Տե՛ս Ադոնց Ն., Հայաստանը Հուստինիանոսի դարաշրջանում, Երևան, 1987, էջ 281:

⁷ Տե՛ս Ոսկեան Հ., Արցախի վանքերը, էջ 25-10:

⁸ Հիշատակված գյուղերից Մեծ Թաղլարը, Ազոխը, Դրախտիկը, Շեխերը, Ավետարանոցը, Սղնախը, հանձնվել են Ադրբեջանին, իսկ Թաղավարդը հանձնվել է մասամբ:

⁹ Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.4, Երևան, 1998, էջ 743:

նը) լսել էր, թե Վայկուն անունով մի ելուզակ վրդովում է Հայոց աշխարհը, գրավելով այն ամուր լեռը, որ մինչև այսօր էլ այդ ելուզակի անունով կոչվում է Վայկունիք»¹:

Մովսես Դասխուրանցին հիշատակել է Վերին Վայկունիք գավառը² և Վայկունիք գյուղը. «Սա Ատրնեսէի շինէ գբերդն Հանդու, եւ գապարանս իւր եղեալ ի գիւղն, որ կոչի Վայունիք, ուր եւ բաղանիք արքունական»³ «Այս Ատրնեսէի շինում է Հանդի բերդը և ապարանք է կառուցում Վայկունիք գյուղում, որտեղ կա արքունական բաղանիք»⁴:

Ղ. Ալիշանը գավառը տեղադրում է Թարթառի ակունքերի մոտ⁵ և հաստատում, որ այս գավառում է գտնվում Հանդաբերդը⁶, որ նույն Լեռնաբերդն է:

Ըստ Ղ. Ալիշանի՝ Վայկունիքը «սահմանակից է Սյունիքին, արեւմուտքից՝ Սոդք գավառին, որից անջատվում է արցախական Թարթառի եւ Գեղամա ծովի ավազանների բարձր լեռների անջրպետով, հարավից՝ Հաբանդով կամ այժմյան Զանգեզուրով, իսկ սահմանի ելքից՝ Արցախի Զլաբերդ գավառով, հյուսիսից՝ նեղ Քունկուր լեռով, որտեղ վերջանում է Այրում գավառը»⁷:

Ըստ Մ. Բարխուդարյանցի՝ Հարձկանք և Ծար գավառների միջև ընկած հատվածն անվանվել է Վակունիք, Վայկունիք, Վերին Վայկունիք⁸:

Մ. Բարխուդարյանը նաև նշել է, որ Հազարի գետը սկիզբ է առնում Վայկունիք գավառի հարավահայաց լանջերից, որն ավելի է հեշտացնում գավառի տեղորոշման հարցը⁹:

Գավառի կենտրոնը Վակունիս գյուղն է, որը գտնվել է հանքային ջրերի ավազանում:

Վայկունիքի տեղորոշման հարցում ուսումնասիրողները հիմնականում համեարաշխ են¹⁰:

Այսպիսով՝ Վայկունիքը Թարթառի վերին հոսանքի աջափնյակն է, որին սահմանակից են արևմուտքում՝ Սյունիքի Աղահեջք ու Սոթք գավառները, հյուսիսում՝ Կողթը և Մեծկողմանքը, արևելքում՝ Մեծիրանքը, հարավ-արևելքում՝ Բերծորը:

Այս գավառի տարածքի մեջ են մտնում այժմյան Քարավաճառ քաղաքը, Ծարը, Զերմաջուրը, Զուարը և այլն¹¹:

3. Բերդածորը կամ Բերծորը, որ այսօր էլ նույն անվանումն ունի, տարածվում է Արաքս և Աղավնո գետերի միջև՝ Քիրս և Դիզափայտ լեռների հարավային լանջերից մինչև Սյունիքի սահմանները՝ ըստ «Հայաստանի և հարակից շրջանների տեղանունների բառարան»-ի, ուր սխալմամբ նույնացվել է Զաբրայիլի շրջանին, ապա՝ անորոշ

¹ Մովսես Խորենացի, Հայոց պատմություն, Բ, Ժդ:

² Մովսես Կաղանկատվացի, Պատմություն Աղվանից աշխարհի, էջ 256:

³ Մատենագիրք հայոց, հտ. ԺԵ, էջ 419:

⁴ Մովսես Կաղանկատվացի, Պատմություն Աղվանից աշխարհի, էջ 266:

⁵ Տե՛ս Ալիշան Ղ., Արցախ, էջ 92:

⁶ Տե՛ս Ալիշան Ղ. Տեղեկագիր Հայոց Մեծաց, էջ 88:

⁷ Ալիշան Ղ., Արցախ, էջ 95:

⁸ Տե՛ս Բարխուդարեանց Մ., Արցախ էջ 26:

⁹ Նույն տեղում, էջ 5:

¹⁰ Տե՛ս Ս. Երեմյան, նշվ. աշխ., էջ 82, նաև Հարությունյան Բ., նշվ. աշխ., էջ 76;

¹¹ Գավառն ամբողջությամբ հանձնվել է Ադրբեջանին

հղմամբ նույնացվել նաև Վերին Խաչենին¹:

Սովսես Կաղանկատվացին գավառը հիշատակում է Բերծոր անվանաձևով. *«Կոտորեցին զԲերծոր գաւառ եւ գաւառսն զՈւռեաց՝ զԿառնակաշ, զՀակարի եւ զՏափատ»*² *«Կոտորեցին Բերծոր գավառն ու Ուռիքի ավանները՝ Կառնակաշը, Հակարին և Տափատը»*³:

Ուռիքի ավանները⁴, Հակարի գյուղը, Կառնակաշն ուղղակիորեն հաստատում են, որ Բերծոր գավառը Հագարի գետի միջին հոսանքում է, ոչ թե Թարթառի վտակ Թուրթուի ավազանում, ինչպես կարծում են Ս. Երեմյանը և Բ. Հարությունյանը: Հետևելով Ղ. Ինձիճյանին, թե «Բերդաձորն ընդամենը վրիպակ է»⁵՝ Բ. Հարությունյանը որպես գավառի անուն ձիշտ է համարում Բերծորը: Սակայն Բ. Հարությունյանը հետևելով Ս. Երեմյանին՝ Բերծոր գավառը տեղադրում է «Վայկունիքից արևելք՝ Թարթառ գետի վտակ Թուրթուի ավազանում»⁶, ինչը ևս մեզ համար անհամոզիչ է և անընդունելի:

Անընդունելի է նաև Ղ. Ալիշանի տեղադրությունը. *«Բերդ ձոր կամ Բերդաձոր, որն ընկնում է Կողթից հարավ, Գանձակ եւ Կուրակ գետերի ձորագլուխներում, որը նույնպես Ուտիքում է տեղադրվում»*⁷: Ապա Ղ. Ալիշանը փորձում է ավելի մանրամասնել. «Կուրանի ձորահովտի արեւմտյան կողմը՝ Կուրակի պատսպարանը, որը կազմում է Մռավ լեռան արեւելյան կողմը կամ Այրում եւ Չլաբերդ գավառների անջրպետը, իմ կարծիքով, հին **Բերդաձոր** գավառն է»⁸:

Ս. Բարխուդարյանցն այն համարում է Արցախի Հարավային կամ Վերին գավառներից՝ հստակ տեղորոշելով. «Գավառն, որ ընկած է Պազկանց գաւառի, Երասխ և Հակարի գետերի, Դիզափայտ և Քիրս լեռնաշղթայի հարաւահայեաց լանջերի մէջ, ստացած է Բերդաձոր, Բերդձոր, Բելուկան, Ղալաղշլաղի ձոր, Ղարադարասի անունները»⁹: Ս. Բարխուդարյանցը նաև նշում է, որ Հագարի գետն իր ծախ կողմից ընդունում է «Յարարի ջուր և Ղոզլու վտակները» Բերդաձոր գավառից¹⁰, որն ավելի է որոշակիացնում գավառի տեղորոշման խնդիրը:

«Յարարի ջուր»-ը Հագարի գետի ծախ օժանդակն է՝ անվանված նաև Հարար, մինչդեռ «Ղոզլու» վտակի մասին տեղանունների բառարանում տեղեկություն չկա. Ղոզլու վտակը միանում է Հագար գետին մինչև Հարար օժանդակի միանալը՝ այժմյան Բերծոր քաղաքից դեպի Հարար ընկած հատվածում՝ սկիզբ առնելով Սուարասը գյուղի շրջակա լեռներից:

¹ Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.1, Երևան, 1986, էջ 665:

² Մատենագիրք հայոց, հտ. ԺԵ, էջ 404:

³ Ղ. Ալիշանը նշել է, որ չգիտի այս գավառների տեղը: Սրանք Բերծոր գավառում են. Կառնակաշն այժմ գյուղատեղի է և բերդ Հարար գետի ափին, իսկ Ուռեկանն ու Հակարին գյուղեր են Հագարի գետի ափին:

⁴ Ինձիճեան Ղ., Ստորագրութիւն հին Հայաստանեայց, Վենետիկ, 1822, էջ 105:

⁵ Նույն տեղում, 103:

⁶ Հարությունյան Բ., նշվ. աշխ., էջ 76:

⁷ Ղ. Ալիշան, Արցախ, էջ 92:

⁸ Նույն տեղում, էջ 101:

⁹ Բարխուդարեանց Մ., Արցախ էջ 25:

¹⁰ Նույն տեղում, էջ 5:

Ստացվում է, որ Բերձոր գավառը Հազարի գետի միջին հոսանքի ծախսափնյա հատվածն է: Գավառի կենտրոնն է եղել Բերդաձորը կամ Բերձորը:

Այսպիսով՝ Բերձոր գավառի սահմանները տարածվում են Հազարի գետի միջին հոսանքի ծախսափնյա հատվածում՝ մինչև Քիրսի լեռնագագաթ: Գավառը արևմուտքում Հազարի գետով սահմանազատվում է Սյունիքի Հաբանդ գավառից, սահմանակից է արևելքում՝ Սյուն Հաբանդին ու Պազկանքին, հարավում՝ Սիսական Ոստանին, հյուսիսում՝ Վայկունիքին ու Մեծիրանքին:

Այս գավառի տարածքի մեջ են մտնում այժմյան Բերձոր քաղաքը, Աղավնո, Լիսագոր, Քիրսավան, Հարար, Քարինգ, Սուլարասը, Խաչգետիկ, Աղավնատուն, Ուռեկան, Վուրգավան, Հակարի, Բերդաձորի չորս գյուղերը՝ Տասը վերստ, Կանաչ թալա, Մեծ շեն, Հին շեն և այլն:

4. Մեծիրանքն անվանվել է նաև Մեծ Առանք, որը Թարթառի միջին հովտում է, տարածվում էր Խաչենագետի վերին հոսանքի շրջանում՝ Կարկառ գետից մինչև Թարթառ և Քիրսից մինչև Մարտակերտի հարթավայրերի եզրերը, որն անվանվել է նաև Ներքին Խաչեն¹:

Սովսես Կաղանկատվացին մի քանի անգամ հիշատակում է գավառը, որին *«Մեծիրանցն կոչեն»*²:

Սովսես Դասխուրանցին մի դեպք է հիշատակում. *«Յայսմ ամի անչափութիւն անծրևաց եղեալ յանկարծազեղ ի Մեծիրանց գաւառի եւ հասեալ գնացք հեղեղին ի Դաստակերտ գիւղ»* *«Այս նույն տարին անծրևների շատությունը Մեծիրանք գավառում տեղատարափ է դառնում և հեղեղի հոսանքը հասնում է Դաստակերտ գյուղը»*³:

Գյուղի մասին Ալիշանը գրում է. *«Չղախից հարավ ընկած է մեկ ձորահովիտ եւս՝ Թարթառ եւ Խաչեն գետերի միջեւ. դա Գապարտուն է կամ Դաբարթուն, որի արեւելյան կողմում էլ համանուն գյուղն է, իսկ արեւմտյան կողմում՝ Գազանձը եւ Քելանին: Խաչենագետի հովտում, վիճակի հարավարեւելյան ծայրում, գետի աջ կողմում, մի բարձրավանդակի վրա գտնվում է Բարուխ գյուղը, իսկ նրա հարավում՝ Տաշ-պաշը, դրանից ավելի վերեւ, արեւմտյան կողմում՝ Շալվան, սրա հյուսիս-արեւմուտքում, գետի ձախ կողմում՝ Ախմաք գյուղը. սրա եւ վերոհիշյալի միջեւ գետերի միացման տեղն է, եւ այնտեղ, նրա անկյուններից մեկում կարելի է հանդիպել Դաստակերտ գյուղին, որ հեղեղվեց հազար տարի առաջ: Հասան-Ջալալյանը Արցախի արձանագրությունների ժողովածուներում այդ գյուղը կոչում է Տաստակեր, որտեղի եկեղեցում էլ ընդօրինակված է մի արձանագրություն, ըստ որի այն կառուցվել է Սարգիս եպիսկոպոսի կողմից, 1281 թ. «ՉԼ թվին Աստծու կամքով, Արղունի իշխանությամբ տեր Ստեփաննոսի հայրապետության ժամանակ, Փախրատինի որդիներ Իվանի եւ Սատրատինի ամիրայության օրոք, ես՝ Տեր Սարգիսս, կառուցեցի ժամատունը, զուգեցի գավազանները, ավետարանները, Ստողոգինը, Եսային: Ովքեր աղոթում են, թող ողորմությամբ հիշեն հանուն Քրիստոսի»*⁴:

Դաստակերտ գյուղը գտնվել է այժմյան Մարտակերտի շրջանում:

Սովսես Դասխուրանցին հիշատակում է նաև Շիկաքարը՝ որպես Մեծիրանքի

¹Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.1, էջ 769:

² Նույն տեղում, էջ 262:

³ Սովսես Կաղանկատվացի, Պատմություն Աղվանից աշխարհի, էջ 261:

⁴ Ղ. Ալիշան, Արցախ, էջ 111:

տեղանում. «ի Մեծիրանց սահմանի ամրացեալք ի տեղուցն, որ կոչի Շիկաքար» «ամրացան Մեծիրանքի սահմանում մի տեղ, որ կոչվում է Շիկաքար»¹: Խոսքը հավանաբար Շիկաքարի բերդի մասին է, որը գտնվում է Խաչեն գավառում՝ այժմյան Ասկերանի շրջանում՝ Խաչեն գետի աջ կողմում, որի վրա է գտնվում Քարազլուխ բերդը²:

Խաչեն գավառի արևմտյան մասում է գտնվել Խոխանաբերդը³:

Ըստ Մ. Բարխուդարյանցի՝ այս գավառն «ընկած է Գարգառ գետակի ծախ և Թարթառ գետի աջ ափերի, դաշտաբերանի և Քիրս լեռնաշղթայի շարունակութեան գագաթագծի մէջ, ստացած է Մեծ-իրանք, Մեծարանք, Ներքին-Խաչեն, այժմ Խաչեն անունները»⁴:

Ըստ Մեսրոպյան Գահնամակի՝ Արշակունի թագավորի խնճույքի սեղանին՝ 138-րդ բարձին բազմելու պատիվը Խաչյան ազնվական տան իշխանինն է, որ Խաչեն (Մեծիրանք, Մեծ Առանք) գավառի իշխանն է⁵:

Մեծիրանք գավառում են գտնվում Գանձասարի վանքը⁶, Կիչանի անապատը⁷ և այլն:

Բ. Հարությունյանը, հետևելով Մովսես Կաղանկատվացուն, գրում է, որ այս գավառում են եղել «Չղախական հովիտը, Շիկաքար բնակավայրը, Դաստակերտը»:

Մեծիրանք գավառի տեղադրության շուրջ ուսումնասիրողները հիմնականում համերաշխ են:

Գավառի կենտրոնը եղել է Գանձասարը:

Այսպիսով՝ Մեծիրանք գավառի սահմանները տարածվում են Թարթառ գետի միջին հովտում՝ աջափնյակում, Խաչենագետի վերին հոսանքի շրջանում՝ Կարկառ գետից մինչև Թարթառ և Քիրսից մինչև Մարտակերտի հարթավայրերի եզրերը: Գավառը սահմանակից է արևելքում՝ Ուտիք նահանգին ու Մյուս Հաբանդ գավառին, հարավում՝ Բերձորին ու Մյուս Հաբանդին, արևմուտքում՝ Վայկունիքին, հյուսիսում՝ Մեծկողմանքին:

Այս գավառի տարածքի մեջ են մտնում այժմյան Շուշի⁸, Ստեփանակերտ, Ասկերան, Մարտակերտ քաղաքները, Իվանյան ավանը (Խոջալու), Չլդրան, Վանք, Դրմբոն, Խաչեն, Պատարա, Խնածախ, Այգեստան, Խանաբադ, Խրամորթ գյուղերը և այլն:

5. Մեծկուանք գավառը Թարթառ գետի վերին հոսանքի ավազանում դեպի Մռավի լեռնաշղթան ընկած հատվածն է՝ Թարթառի հովիտը, որ անվանվել է նաև Մեծկ-

¹ Մովսես Կաղանկատվացի, Պատմություն Աղվանից աշխարհի, էջ 255:

² Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.5, էջ 110:

³ Տե՛ս Հակոբյան Ա., Խաչեն-Խոխանաբերդ ամրոցը և նրա իշխանատոհմը Թ.-ԺԳ դարերում, Հանդէս Ամսօրեայ, 2010, թիվ 1-12, էջ 71:

⁴ Բարխուդարեանց Մ., Արցախ էջ 24:

⁵ Տե՛ս Մեսրոպ Վայցոճորեցի, Սուրբ Գրիգոր Լուսավորչի տոհմի մասին և Սուրբ Գրիգոր Լուսավորչի տոհմի մասին և սուրբ Ներսէս հայոց հայրապետի պատմությունը, թարգմանությունը գրաբար բնագրից, առաջաբանը և ծանոթագրությունները Վանո Եղիազարյանի, 2015, էջ 165:

⁶ Տե՛ս Ոսկեան Հ., Արցախի վանքերը, էջ 52-74:

⁷ Նուն տեղում, էջ 78:

⁸ Շուշին դավադրաբար հանձնվել է Ադրբեջանին:

վենք, Մեծկողմանք և այլն¹:

Մովսես Կաղանկատվացին գրում է. *«յրոստակ գաւառն Մեծ Կողմանց, ի Չղախեան հովիտն յասպարիսաձեւ դաշտակն առ ափն Տրտուական գետոյն, որ է վիճակին Մեծիրանց»*² *«Մեծկողմանքի Ռոստակ գավառը՝ Չղախյան հովիտը, Ասպարիսաձեւ դաշտակը Տրտու գետի ափին, որը գտնվում է Մեծիրանքի վիճակում»*³:

Խոսքն այստեղ Մեծիրանքի վիճակի՝ եպիսկոպոսության մասին է, որի տարբեր հոգևորականների անուններ հանդիպում են պատմության էջերում:

Մեկ այլ տեղ կրկին խոսք է գնում գավառի մասին, որն այս անգամ անվանվում է Մեծ Կվյանք. *«ի խորախոխոն, անտառայար եւ ի մայրաստանիկ աշխարհն Արցախայ՝ գաւառն Մեծ Կուենից: Եւ ի կիրճս Ճանապարհին երկաջոկեալ գունդն յերկուս բաժանելով՝ նստին գուպարս յայնմ տեղոջ, որում Աստեղն կոչեն բլուր՝ ի հիւսիսոյ Կողմանն. եւ գունդն երկրորդ յայնկոյս Տրտուական գետոյն, ի հարաւական կողմանն ի մայրոլորտ հովտի պուրակի բնակէին Չղախն անուանեցելոյ»*⁴ *«խորածորերով հարուստ, անտառախոտ ու անտառներով առատ Արցախ երկիրը՝ Մեծ Կվյանք գավառը: Ճանապարհի կիրճերում խումբը երկու մասի բաժանվեց. առաջին մասը խմբով միասին նստեց այն տեղը, որ կոչում են Աստղաբլուր, այսինքն՝ հյուսիսային կողմում, իսկ երկրորդ մասը բանակեց Տրտու գետի այն կողմը, անտառապատ հովտի հարավային մասում՝ Չղախ անվանված տեղում»*⁵:

Հիշատակված Աստղաբլուրը գտնվում է Հաթերքում՝ Թարթառ գետի վերին հոսանքի ձախ ափին, որի մասին պահպանվել է նաև ժողովրդական ավանդություն⁶:

Մեկ ուրիշ տեղ Կաղանկատվացին այլ վկայություն է թողել այս գավառի տեղորոշման մասին. *«ի վերնակողմն գաւառն Մեծ Կուենից՝ ի բարձրաւանդակ լեառնն՝ ի տեղի մենաստանին իւրոյ ի Գլխոյ վանս»*⁷ *«Մեծ Կվյանքի վերնակողմ գավառը՝ բարձր լեռը՝ իր մենաստանի վայրը՝ Գլխովանքը»*⁸: Գլխովանքը նույն Հոռեկա վանքն է, որի մասին հիշատակություն ունի նաև Վարդան Արևելցին: Գլխովանքը գտնվում է Մարտակերտի շրջանում՝ Թալիշ գյուղի մոտ:

Ղ. Ալիշանն այն համարում է Չլաբերդը, որ Ջրաբերդն է. *«Մեծկունիք կամ Մեծունիք կամ Մեծ Կողմանք. Թարթառի հյուսիսային կամ ձախ կողմում է, Չլաբերդում»*⁹, քիչ հետո շարունակում. *«Մեծ Կողմանք գավառի մի մասն է, որի սահմանը Տրտուի հյուսիսային կամ ձախակողմյան ափերն են, թերեւս մի նեղ շերտով այն կողմն անցած, հարավայինը՝ Մեծիրանքը, որը հետագայի բուն Խաչենն է, այսինքն՝ Վայկունիքի արեւելյան եւ Թարթառի հարավային կողմը»*¹⁰:

Ըստ Մ. Բարխուդարյանցի՝ այս գավառն «ընկած է Մռաւ լեռնաշղթայի դաշտաբերանի, Թղրի և Թարթառ ջրերի ձախ և Կուրակ գետակի աջ ափերի մէջ, ստացած է

¹ Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.1, էջ 772:

² Մատենագիրք հայոց, հտ.ԺԵ, էջ 264:

³ Մովսես Կաղանկատվացի, «Պատմություն Աղվանից աշխարհի», էջ 160:

⁴ Մատենագիրք հայոց, հտ.ԺԵ, էջ 140:

⁵ Մովսես Կաղանկատվացի, «Պատմություն Աղվանից աշխարհի», էջ 73:

⁶ Ղանալանյան Ա., Ավանդապատում, Երևան, 1969, էջ 16:

⁷ Մատենագիրք հայոց, հտ.ԺԵ, էջ 273:

⁸ Մովսես Կաղանկատվացի, «Պատմություն Աղվանից աշխարհի», էջ 166:

⁹ Ալիշան Ղ., «Արցախ», էջ 92:

¹⁰ Նույն տեղում, էջ 111:

Մեծ-կողմանք, Մեծկուանք, Չարաբերդ, Թալիշ, Կիւիստան, Ջրաբերդ, այժմ Ջուան-շիր անունները»:

Ղ. Ալիշանը Մեծկունեաց գավառ է անվանում, որին հյուսիսից մոտ է Ականաքաղաքը՝ Թարթառի ափին¹:

Ս. Երեմյանը փորձել է գավառը տեղադրել Իջևանի տարածքում², ինչի հետ իրավացիորեն համաձայն չէ Բ. Հարությունյանը:

Հ. Ոսկյանը Մեծկողմանք գավառի վանքեր է համարում Գյուլիստանի Ամենափրկիչ վանքը, Երից մանկանց վանքը³:

Թ. Մինասյանն այս գավառի գրչության կենտրոններից հիշատակում է առաջնորդանիստ Խաղավանքը⁴, իսկ գավառը նույնացնում Ջրաբերդի հետ, նրա սահմանները նշելով ըստ Մ. Բարխուդարյանցի՝ Մռավի լեռնաշղթայի, Ղաշտաբերանի, Թարթառ գետի և նրա Թրդի վտակի ծախ և Կուրակ գետակի աջ ափերը⁵:

Այսպիսով՝ Մեծկողմանք գավառի սահմանները տարածվում են Թարթառ գետի վերին հոսանքի ծախսափնյա ավազանում՝ մինչև Մռավի լեռնաշղթայի լեռնագագաթները: Գավառը սահմանակից է հյուսիսում ու արևելքում՝ Ուտիք նահանգին, հարավում՝ Վայկունիքին ու Մեծառանքին, արևմուտքում՝ Կողթին:

Այս գավառի տարածքի մեջ են մտնում այժմյան Հաբերք, Ակնաբերդ, Գյուլիստան, Թալիշ, Տոնաշեն, Մատաղիս, Չափար, Ջազլիկ, Ջարդախաչ, Ղադիվանք գյուղերը և այլն⁶:

6. Հարձլանքն Արցախն աշխարհի հարավ-արևելյան սահմանն է՝ մոտավորապես Վարանդայի գավառը⁷:

Ղ. Ալիշանը Արցախի հարավում՝ Դիզակում է տեղադրում Մուխանք, Հարձլանք, Պիանք և Սիսական Կոտակ գավառները. «Այս նոր գավառի մեջ են մտնում հին գավառներ Մուխանքը, այն է՝ Մխանց տոհմը, Հարժլանը, Պիանքը եւ Քոտակը, որոնցից միայն առաջինն է հիշվում պատմության մեջ եւ բաղանիկեցիների արշավանքում, որպես Պարզկանքի հարավում եւ նույն Ուտի գավառի վերջում գտնվող, որովհետեւ նրանից հետո ասպատակված գավառների մեջ վերջինս սա է համարվում: Մյուսների անունները ամենեւին չեն նշվում, որի պատճառով դրանց դիրքը, սահմանները եւ պատմական դեպքերը հայտնի չեն»⁸:

Ըստ Մ. Բարխուդարյանցի՝ «Դիզակայտ և Քիրս լեռնաշղթայի գագաթագծի շարունակության, Շուշիից Գորիս տանող մեծ ճանապարհի և Հակարի գետի միջև ընկած տարածքը անվանվել է Հարձլանք, Ջառիստ, Հաչի Սամլու, Հաճիլար»⁹, որը հարավային գավառներից է:

¹ Բարխուդարեանց Մ., «Արցախ», էջ 24:

² Ալիշան Ղ., «Տեղեկագիր Հայոց Մեծաց», էջ 89:

³ Ոսկեան Հ., «Արցախի վանքերը», էջ 78:

⁴ Նույն տեղում, էջ 124-127:

⁵ Մինասյան Թ., «Արցախի գրչության կենտրոնները», Երևան, 2015, էջ 27:

⁶ Նույն տեղում, էջ 52:

⁷ Հիշատակված գյուղերից Թալիշը, Մատաղիսը, Ղադիվանքը հանձնվել են Ադրբեջանին 2020թ., իսկ Գյուլիստանն ավելի վաղ:

⁸ Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 4, էջ 114:

⁹ Ալիշան Ղ., «Արցախ», էջ 160:

Քանի որ գավառի մասին տեղեկություններ չեն պահպանվել, ուստի անհնար է դարձել որոշակիացնել նրա տեղադրությունը: Ուսումնասիրողներն ունեն տարբեր մոտեցումներ: Բ. Հարությունյանը հակված է գավառը տեղադրելու Խոջաչայի շրջակայքում¹, իսկ Ս. Երեմյանը՝ Քյոնդալան չայի (Ղողագետ, Տողագետ) հարավային եզրին², որն Արաքսի ձախակողմյան վտակ է:

Ինչպես տեսնում ենք, Մ. Բարխուդարյանցի և արդի պատմաբանների մոտեցումները չեն համապատասխանում:

Ամեն դեպքում, Հարձկանք գավառը պետք է տեղադրել Արցախի հարավում, ինչը հաստատում է նաև Ղ. Ալիշանը. «ստորին մասն Արցախ աշխարհի, յորում թուին լինել գաւառքն հին Պարզկանք, Պիանք, Հարժկանք, և Մուխանք 'ի հարաւոյ, յորմէ թերևս ծագեալ Մուղանն անուան, որով կոչի դաշտն մեծ կամ անապատն 'ի հարաւոյ և յելից Երասխայ»³: Սա պարզ է նաև «Աշխարհացոյց»-ի թվարկումից, որտեղ այս գավառները նշվում են հերթականությամբ՝ Հարձկանք, Մուխանք, Պիանք, Պարզկանք, քանի որ այս գավառները հարևան են իրար:

Մեր կարծիքով, Հարձկանքը Վարդայի (Ֆիզուլի) գավառն է, որի սահմանները հասնում են մինչև Տողագետի ստորին հոսանքներ և Արաքս գետ: Գավառը սահմանակից է հյուսիսից՝ Մուխանքին, արևելքից՝ Ուտիք նահանգին, արևմուտքից՝ Պիանքին, Պազկանքին, Սյուս Հաբանդին, հարավում՝ Արաքս գետին:

Գավառի տարածքի մեջ են այժմյան Զիվանի գյուղը և Վարանդան (Ֆիզուլի)⁴:

7. Մուխանք գավառը Արաքսի ձախակողմյա հատվածում Կարկառ գետի ստորին հոսանքի ավազանն է, Մխանք նախարարական տոհմի տիրույթը, որը ձգվում էր Ակնայից մինչև Արաքսի հովիտ՝ ներառելով Մուղանի դաշտավայրը⁵:

Մովսես Կաղանկատվացին այս գավառի մասին ունի հետևյալ վկայությունը. «*ի Մխանց տոհմին ի վայրս Կաղսետու*»⁶ «Մխանց տոհմին պատկանող Կաղսետ կոչված վայրում»⁷: Հիշատակված Կաղսետ վայրի մասին ոչ մի տեղեկություն չկա տեղանունների բառարանում: Մովսես Ղափսուրանցին ևս գավառն անվանում է Մխանք:

Ըստ Մ. Բարխուդարյանցի՝ գավառը «ընկած է Երասխի ձախ ափի, Վարդանակերտ գավառի և դաշտաբերանի տարածութեան մեջ, ստացած է Մուխանք, Մուղան, այժմ Միլին դաշտ անունները»⁸:

Ն. Ադնոցը գրում է, որ Մուխանքը «ծագում է Կասպից ծովի ափերին ապրող ցեղերից մեկի» անունից:

Ուսումնասիրողները Մուխանք գավառի տեղորոշման հետ կապված տարածայնություններ չունեն:

Այսպիսով, Մուխանք գավառը տարածվում է Կարկառ գետի ստորին հոսանքի ավազանում և տարածվում է մինչև Մարտունի քաղաքից հարավ՝ ներառելով Մոնթեի

¹ Բարխուդարյանց Մ., «Արցախ», էջ 25-26:

² Հարությունյան Բ., նշվ. աշխ., էջ 78:

³ Ալիշան Ղ., Տեղեկագիր Հայոց Մեծաց, էջ 90:

⁴ Այս գավառն ամբողջությամբ հանձնվել է Ադրբեջանին:

⁵ Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.1, էջ 885:

⁶ Մատենագիրք Հայոց, հտ., ԺԵ էջ 165:

⁷ Մովսես Կաղանկատվացի, Պատմություն Աղվանից աշխարհի, էջ 90:

⁸ Նույն տեղում, էջ 256:

լեռները. գավառը արևմուտքում սահմանակից է Մյուս Հաբանդին, հարավում՝ Հարձլանքին, արևելքում և հյուսիսում՝ Ուտիք նահանգին:

Այս գավառի տարածքի մեջ են մտնում այժմյան Ակնա քաղաքը¹, Մարտունի քաղաքը, Ճարտարը, Աշան, Բերդաշեն, Խնուշինակ գյուղերն և Գիշին, որն եղել է գավառի կենտրոնն և այլն:

8. Պիանք գավառի տեղադրությունը պարզված չէ, ենթադրաբար այն համապատասխանում է Ջեբրայիլի շրջանին, որը գտնվում է Արաքսի ձախ կողմում, թեև կարծիք կա, որ գավառը տարածվում է Խաչեն և Կարկառ գետերի միջև²:

Ղ. Ալիշանի համար ևս գավառի սահմաններն անորոշ են. «Պիանք, որը վատիկանյան օրինակը Ապիանդք է գրում, սրա երեք կողմերը անհայտ են, թվում է, որ ընկած պետք է լինի այժմյան Շուշիի, Սյունիի եւ Երասխի միջև»³:

Ըստ Մ. Բարխուդարյանցի՝ «Գաւառն, որ ընկած է Երասխի և Ղուրու չայ գետակի ձախ ափերի, դաշտաբերանի և Մուխանք գաւառի սահմանի մէջ, կոչուած է Պիանք, այժմ Ջաբրայիլի գաւառ»⁴:

Ղուրուչայ գետակը կազմվում է Թաղլար և Ղոդա վտակների միախառնվելուց, հոսում է Իշխանասարի ստորոտով, որը վերին հոսանքում կոչվում է Իշխանագետ, Ֆիզուլիի շրջանում միանում է Արաքսին:

Պիանքը «Ճիպրայիլ»-ն է համարել նաև Համազասպ Ոսկյանը⁵՝ օգտվելով Մակար Բարխուդարյանցի գրքից:

Ս. Երեմյանը գավառը տեղադրում է Բայան գյուղի շրջակայքում⁶, որը գտնվում է Վարդաշենի շրջանում: Ս. Երեմյանի տեսակետն ընդունելի է համարել Բ. Հարությունյանը, սակայն չի բացառել «նրա տեղադրությունը Մուխանքի հարավակողմում»⁷:

Պիանք գավառում է գտնվել Պապուն քաղաքը, որն ավերակ է:

Մեր կարծիքով, Պիանք գավառը պետք է տեղադրել Արաքսի դաշտաբերանի ու Հարձլանք գավառի միջակա տարածքում, որն այժմյան Ջաբրայիլն է: Գավառը սահմանակից է արևելքից Հարձլանքին, հյուսիսից՝ Պազկանքին, արևմուտքից՝ Սիսական Ոստանին, հարավից՝ Արաքս գետին:

Գավառի տարածքի մեջ են այժմյան Ջրական (Ջաբրայիլ) քաղաքը, Առաքել, Բանաձոր, Նոր շեն գյուղերը և այլն⁸:

9. Պանծկանք գավառի տեղադրությունը ևս պարզված չէ, ոմանք նույնացնում են Ղիզակի, ոմանք՝ Վարանդայի հետ⁹:

Մովսես Կաղանկատվացին գավառն անվանել է Պազկանք. «...մեծագոյն աշխարհ մի Արցախայ՝ Պազկանք անուն»¹⁰, որը Վ. Առաքելյանը թարգմանել է Պարսա-

¹ Ակնա քաղաքն Աղդանն է, որն այժմ հանձնված է Ադրբեջանին:

² Տե՛ս Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.4, էջ 114:

³ Ալիշան Ղ. «Արցախ», էջ 92:

⁴ Բարխուդարեանց Մ., Արցախ, էջ 22:

⁵ Ոսկեան Հ., «Արցախի վանքերը», էջ 1:

⁶ Երեմյան Ս., նշվ. աշխ. էջ 77:

⁷ Հարությունյան Բ., նշվ. աշխ էջ 79:

⁸ Այս գավառն ամբողջությամբ հանձնված է Ադրբեջանին:

⁹ Հակոբյան Թ., Մելիք Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ.4, էջ 314:

¹⁰ Մատենագիրք հայոց, հտ. ԺԵ, էջ 113:

կանք՝ ծանոթագրելով. «Պազկանք, գոյություն ունի նաև Պարսկանք ձևը: Այս գավառը, ըստ Մ. Բարխուդարյանի, ընկած է «Երասխ գետի ձախ ափին՝ Հադրութի և Դիզափայտի լեռնաշղթայի գագաթնագծի մեջ»¹:

Ղ. Ալիշանը սահմանակից է համարում Մյուս Հաբանդին² և Մեծիրանքին³. «Պատմիչները այս գավառում ոչ մի չեն կամ վայր չեն նշում, որի հետեւանքով բացի Ամարասի հետ սահմանակցությունից, հնարավոր չէ այն քննել հանգամանորեն: Թվում է, որ սա ընկած էր Գարգարի ծորահովտում, սկսած նրա ակունքից վերջացրած Գարգարացիների դաշտաբերանով, որտեղ եւ մենք ենք հատում վիճակիս աշխարհագրության սահմանը: Հարավային կողմից իր մեջ առնելով արեւելյան վտակների բոլոր հովիտները՝ հասնում է մինչեւ գետերի ջրբաժանը, որոնք հարավից հոսում են դեպի Երասխ»⁴:

Մ. Բարխուդարյանը կարծում է, որ գավառն «ընկած է Երասխ գետի ձախ և Ղուրուչայի աջ ափերի, Հադրութի և Դիզափայտի լեռնաշղթայի գագաթնագծի մեջ, ստացած է Պազկանք, Պանծկանք, Դիզակ, այժմ Ջաբրայիլ անունները»⁵:

Մ. Բարխուդարյանը փորձել է ավելի հստակեցնել գավառի սահմանները՝ գրելով. «Գաւառիս հարաւային սահմաններն են Երասխ գետն, արևելեանն՝ Պիան, հիւսիսայինն՝ Վարանդայ և արևմտեանն՝ Բերդաձոր գաւառների սահմաններն»⁶:

Ս. Երեմյանը փորձում է տեղադրել Վարանդայի գավառում⁷, իսկ Բ. Հարությունյանը հակված է գավառը տեղադրել «Մուխանքից հարավ-արևելք ընկած շրջանում, որը հարավից եզերվում է Երասխ գետով, որի հակառակ ափին պետք է գտնվեր Վարդանակերտ քաղաքը»⁸:

Ըստ Հ. Ոսկյանցի Պազկանք գավառում է գտնվում Գոչավանքը⁹, Դիզափայտի կամ Կատարո վանքը¹⁰ և այլն:

Արցախի գրչության կենտրոններին նվիրված ուսումնասիրության մեջ Թամարա Մինասյանը Գոչավանքին անդրադառնալիս որոշակի նշել է Պարզկանք գավառի սահմանները. «Արևելքում նրա սահմանները ձգվում էին մինչև Սուղանի դաշտ, հյուսիսում՝ Քյոնդալան գետի ձախ ափը, արևմուտքում հասնում Քիրսի լեռնաշղթային և նրանից դեպի Երասխի հովիտը ձգվող բարձրություններին, հարավում՝ Երասխ գետին»¹¹:

Ղ. Ինճիճյանը կարծում է, թե Պազկանք գավառի աղճատված անվամբ **Պայիզգան** կամ **Պէլէգան** գյուղն է, «ոչ այնչափ հեռի յերասխայ և յորոտն վտակէ, որ թերևս է տոյն այս անուն աղճատեալ»¹²: Այս տեսակետն ընդունելի չէ, հիշատակվածը Բայլական քաղաքն է, որ գտնվում է Կուր և Երասխ գետերի միախառնման շրջանում:

¹ Մովսես Կաղանկատվացի, Պատմություն Աղվանից աշխարհի, էջ 279-280:

² Տե՛ս Ալիշան Ղ., Արցախ, էջ 92:

³ Նույն տեղում էջ 129:

⁴ Նույն տեղում էջ 154:

⁵ Բարխուդարեանց Մ., Արցախ, էջ 21:

⁶ Նույն տեղում էջ 62:

⁷ Տե՛ս Երեմյան Ս., նշվ. աշխ., էջ 77:

⁸ Հարությունյան Բ., նշվ. աշխ., էջ 79:

⁹ Տե՛ս Ոսկեան Հ., Արցախի վանքերը, էջ 11-16:

¹⁰ Նույն տեղում, էջ 16-18:

¹¹ Մինասյան Թ., Արցախի գրչության կենտրոնները, էջ 19:

¹² Ինճիճեան Ղ., Ստորագութիւն հին Հայաստանեայց, էջ 109:

Պազկանք բառը կարող է կապվել Արցախյան լեռնաշղթայի լեռնաբազուկների հետ, ինչը նկատել է նաև Մ. Բարխուդարյանը. «Ալեյի լաւ էր Բազկանք անուանել վերջին գաւառս, վասն զի գաւառս ամբողջապէս բաղկացած է լեռնաբազուկներից, որք թեքուած են դէպի Երասխի ձախ ափն»¹:

Մեր կարծիքով, Պազկանքը Իշխանագետի աջ ափից մինչև Դիզափայտի լեռնաշղթայի գագաթնագիծն ընկած տարածքն է, որը սահմանակից է արևելքից Հարձ-լանքին, հյուսիսից՝ Սյուս Հաբանդին, արևմուտքից՝ Բերձորին, հարավից՝ Պիանքին:

Գավառի տարածքի մեջ են մտնում այժմյան Հադրութ քաղաքը, Տումի, Տող, Թաղուտ, Մարիամածոր, Քյուրաթաղ, Ակնադբյուր, Ծաղկավանք, Վանք գյուղերը և այլն²:

10. «Հայաստանի և հարակից շրջանների տեղանունների բառարան»-ում Սիսական Ոստան գավառը նույնացվում է Սյուս Հաբանդ գավառին³,

ինչն ընդունելի չէ:

Թերևս այս գավառն է, որ Սիսական ձևով հիշատակել է Մովսես Դափնուրանցին. «...Վերին Վայկունիք, Բերձոր, Սիսական, Հաբանդ, Ամարաս, Պազկանք, Մխանք եւ Տրի գաւառ»⁴ | «...Վերին Վայկունիք, Բերձոր, Սիսական, Հաբանդ-Ամարաս, Պազկանք, Մխանք և Տրի գավառներին»⁵:

Ղ. Ալիշանի համար հստակ չէ այս գավառի սահմանները. «Սիսական ոստան, նույն Սիսան ծորը. սկսվում է Վայկունիքի ելքից եւ, ինչպես ինձ թվում է, ընկած է Կուրակի եւ Կուրանի միջեւ»⁶, ապա փորձել է տեղորոշել, թե գավառը «տեղադրված է արեւմուտքից Մեծկողմանքի, իսկ արեւելքից Վայկունիքի միջեւ, եւ որի միջով երեք վտակների միավորումից հետո սահմանով իջնում է Թարթառ գետը դեպի հարավ մոտ 12 մղոն, հետո թեքվում դեպի արեւելք, պետք է Արցախի Սիսական գավառը լինի, նույն ինքը Սիսական ոստանը եւ Սիսական գավառը, որը այդպես է կոչվում Սյունիքին մոտ լինելու պատճառով: Նրան հարավից սահմանակից է Խաչեն գետի սկիզբը, որի հարավում էլ գտնվում է Հաբանդ գավառը»⁷:

Մ. Բարխուդարյանը Սիսական-Ոստան գավառը համարելով Հարավային կամ Վերին գավառ, իսկ Սիսական Ոստակը՝ Լեռնային կամ Միջին Արցախի գավառ, առաջինի մասին գրում է. «Գաւառն, որ ընկած է Մռաւ սարի հարաւահայեաց լանջերի, Ոմբասարի գագաթնագծի, Վակունիք և Ոստակ գաւառների սահմանների մէջ, ստացել է Սիսական-Ոստան, Սիսական, Ծար, Զար, այժմ Զար գաւառ»⁸:

Մենք կարծում ենք, Սիսական Ոստանը ոչ թե Ծարն է, այլ հենց Սիսական Ոստակը, որը սակայն ոչ թե Թարթառի ձախափնյա հատվածում է, այլ սահմանակից է Սյուս Հաբանդ գավառին, ինչպես նկատել են ուսումնասիրողները: Իսկ Ծարը համապատասխանում է Վայկունիքի տարածքին:

Ըստ Մ. Բարխուդարյանի՝ Լեռնային գավառ Սիսական Ոստակը կամ Ռոտստակը գտնվել է Թարթառի ձախ ափին. «Գավառակն, որ ընկած է Թարթառի և Եանշաղի

¹ Բարխուդարեանց Մ., Արցախ, էջ 1:

² Հիշատակված բոլոր բնակավայրերը 2020թ. հանձնվել են Ադրբեջանին:

³ Տե՛ս Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 1, էջ 844, հտ. 4, էջ 614:

⁴ Մատենագիրք հայոց, հտ. ԺԵ, էջ 404:

⁵ Մովսես Կաղանկատվացի, Պատմություն Աղվանից աշխարհի, էջ 256:

⁶ Ալիշան Ղ., Արցախ, 92:

⁷ Նույն տեղում էջ 116:

⁸ Բարխուդարեանց Մ., Արցախ, էջ 26:

ծախ և Թրդու ափ ափերի մեջ, ստացած է Ըստիսական, Ըռստակ, Հաթերք անունները»¹: Հետևելով Մ. Բարխուդարյանցին՝ Հ. Ոսկյանը Ըստիսական գավառի վանքեր է համարել Դադիվանքը², Չարեքդարի վանքը³:

Ս. Երեմյանը Սիսական-ի-Ոստանը նույնացնում է Մյուս Հաբանդ գավառի հետ⁴, Բ. Հարությունյանը ձեռագրական տարընթերցվածների համեմատության արդյունքում Սիսական Ոստանը նույնացնում է Սիսական ի Կոտակ և Սիսական Ռոտաստակ անվանաձևերի հետ⁵՝ այն տեղադրելով Մյուս Հաբանդից դեպի հարավ-արևելք. «Սիսական-ի-Ոստանը տարածվել է մինչև Երասխ գետը՝ հյուսիսում սահմանակցելով Մյուս Հաբանդին»⁶:

Սիսական ի Ոստան կամ Սիսական ի Կոտակ բառաձևերի քննությունն առիթ է տալիս ենթադրելու, որ Սիսականից դեպի Ոստան, այսինքն՝ մայրաքաղաք գնացող ճանապարհի վրա գտնվող գավառի մասին է խոսքը, իսկ Սիսականից դեպի Խոսրով Կոտակի մայրաքաղաք Դվին գնացող ճանապարհն անցել է Արաքսի ափով՝ Նախիջևանով: Ավելի հավանական է Սիսական ի Կոտակի մեկնությունը՝ Սյունիքից դեպի Փոքր Սյունիք, քանի որ Խորենացին է Արցախն անվանել Փոքր Սյունիք: Այս դեպքում *կոտակ* բառը, որ *կարճահասակ* է նշանակում, *փոքր* իմաստով պիտի ընկալվի: Բոլոր դեպքերում Սիսական ի Ոստան գավառի անվանաձևը հուշում է, որ գավառը չի կարող Թարթառի ափամերձ հատվածում լինել:

«Աշխարհացոյց»-ում Սիսական Ոստան անվանված գավառը, որ «գՍիսականիս, գԿոտակ» և «Սիսականք, Քուակք» սխալ կետադրությամբ է ներկայացվել «Մատենագիրք հայոց»-ում, առաջարկում ենք սրբագրել, քանի որ հիշյալ գավառները՝ Սիսական Ոստան, Սիսական Կոտակ, Սիսական Քուակք և Սիսական Ռոտաստակ նույն գավառն են, որը տարածվել է Դիզափայտից դեպի հարավ-արևմուտք՝ մինչև Արաքս, և անընդունելի է այս գավառը Մյուս Հաբանդի հետ նույնացնելը, ինչը սխալմամբ արվել է «Հայաստանի և հարակից շրջանների տեղանունների բառարան»-ում:

Մեր կարծիքով, Սիսական Ոստան գավառը տարածվում է Դիզափայտ լեռնագագաթից դեպի հարավ-արևմուտք՝ մինչև Արաքս գետը, արևմուտքում՝ մինչև Հագարի գետը, իսկ հյուսիսում՝ Ամուտեղ լեռը: Գավառը սահմանակից է հյուսիսից՝ Բերձորին, արևելքից՝ Պիանքին, հարավից՝ Արաքս գետին, արևմուտքից՝ Սյունիքի Հաբանդ գավառին, որի սահմանը Հագարի գետն է:

Գավառի տարածքի մեջ են մտնում այժմյան Խժաբերդ, Հին Թաղլար, Խանձածոր, Արևշատ, Ծամձոր, Քարագլուխ, Ցոր, Աղածոր, Արծվաշեն, Իշխանաձոր գյուղերը և այլն⁷:

11. Քուստիփառնեսը Փառիսոս գավառն է, որ գտնվում է Կուրի աջակողմյան Շամխոր և Գարդման վտակների, Սևանա լեռնաշղթայի, Տավուշ գետի միջակայքում⁸:

Ղ. Ալիշանը տեղադրում է Մեծիրանքի և Մեծկողմանքի արևելյան կողմում¹:

¹ Նույն տեղում, էջ 24:

² Տե՛ս Ոսկեան Հ., Արցախի վանքերը, էջ 95-112:

³ Նույն տեղում, էջ 112-114:

⁴ Տե՛ս Երեմյան Ս., նշվ. աշխ., էջ 70:

⁵ Տե՛ս Հարությունյան Բ., նշվ. աշխ., էջ 62:

⁶ Նույն տեղում էջ 80:

⁷ Գավառն ամբողջությամբ հանձնվել է Ադրբեջանին:

⁸ Տե՛ս Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 5, էջ 219, էջ 450:

Ըստ Մ. Բարխուդարյանցի՝ գավառը «ընկած է Շամքոր գետակի միջին օժանդակի և Գեղամայ լեռնաշղթայի գագաթնագծի շարունակության և Տաուշի գետակի հարաւ-արեւելեան օժանդակի (Ախնջի) ավերի և դաշտաբերանի մէջ, ստացած է Փառնէս, Փառնիս, Փառնիսոս, այժմ Շամշատին անունները»²։ Քուստիփառնէսը եղել է մի գավառ, սակայն Մ. Բարխուդարյանցն այն առանձնացրել է Փառնէսից, ուստի Տավուշ գետի հարավային Ախնջի օժանդակի, Աղստիկ և Գեղամա լեռնաշղթայի ու դաշտաբերանի միջև ընկած հատվածը, որ անվանվել է Քուստի, Քաւս, որ անվանվել է նաև Ղազախ³, պետք է միացյալ լինի Փառնէսի հետ՝ որպէս Քուստիփառնէս գավառ։

Ս. Երեմյանը Քուստի և Փառնէս գավառները դիտել է որպէս առանձին գավառներ⁴, իսկ Բ. Հարությունյանը դրանք համարելով մեկ գավառ՝ Քուստի-Փառնէս, տեղադրում է Գարդմանի հարավակողմում։

Փառնիսոս գավառում է գտնվում Երգեվանքը⁵, Փառնիսոսի վանքը⁶ և այլն։

Ըստ Մեսրոպյան Գահնամակի՝ Արշակունի թագավորի խնջույքի սեղանին՝ 71-րդ բարձին, կարող էր բազմել Փառաճունի կամ Ռաճունի ազնվական տան իշխանը, որ այս գավառի իշխանն էր⁷։

Գավառը տարածվում է Գեղամա լեռներից հյուսիս, արեւելքից սահմանակից է Կողքին, հյուսիսից՝ Ուտիք նահանգին, հարավից՝ Սյունիքին։

12. Կողք գավառը համապատասխանում է Շամշադինի հետ, որ հնում եղել է Արցախ աշխարհի գավառներից մեկը⁸։

Փավստոսը հիշատակում է Կողք գավառը Ուտիքի գավառների՝ Ուտիի, Շակաշենի, Գարդմանաձորի կողքին, որից ևս ակնհայտ է, որ այս գավառը գտնվել է Արցախի հյուսիսային հատվածում. *«Առնէր պատերազմ ընդ երկիրն Աղուանից. հարկանէր զնոսա ի հարուածս անհնարինս։ Եւ թափէր ի նոցանէ բազում գաւառս, զոր հատեալ էր նոցա ի նոցանէն. զՈւտի, զՇակաշէն եւ զձորն Գարդմանայ, զԿողք և այլ որ շուրջն էին զնովաւ սահմանք գաւառք։ Եւ զԿուր գետ՝ որպէս և յառաջն լեալ էր, ընդ երկիրն Աղուանից և ընդ երկիրն իւրեանց սահման արարեալ կացուցանէին. և ի զխաւորացն բազումս սպանանէին. և զմնացորդսն ի հարկի կացուցանէին, և պանդանոս ի նոցանէ առնուին»* | *«Պատերազմում էր նաև Աղվանից երկրի հետ և նրանց սոսկալի ջարդ էր տալիս։ Նրանցից ետ էր խլում շատ գավառներ, որ նրանք գրավել էին – Ուտին Շակաշենը, Գարդմանաձորը, Կողքը և սրանց շուրջ եղած սահմանակից շատ գավառներ։ Կուր գետը սահման դարձրեց (մեր) աշխարհի և Աղվանքի մեջ՝ ինչպէս*

¹ Տե՛ս Ալիշան Ղ., Արցախ, 92։

² Բարխուդարեանց Մ., Արցախ, էջ 24-25։

³ Նույն տեղում, էջ 25։

⁴ Տե՛ս Երեմյան Ս., նշվ. աշխ., էջ 88, էջ 90։

⁵ Տե՛ս Ոսկեան Հ., Արցախի վանքերը, էջ 145-146։

⁶ Նույն տեղում, էջ 176-177։

⁷ Տե՛ս Մեսրոպ Վայոցձորեցի, Սուրբ Գրիգոր Լուսավորչի տոհմի մասին և սուրբ Ներսէս հայոց հայրապետի պատմությունը, թարգմանությունը գրաբար բնագրից, առաջաբանը և ծանոթագրությունները Վանո Եղիազարյանի, էջ 155։

⁸ Տե՛ս Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 1, էջ 198։

որ առաջ էր: Գլխավորներից շատերին սպանում էին, մնացորդներին հարկի տակի էին դնում և նրանցից պատանդներ էին առնում»¹:

Ղ. Ալիշանը գավառը տեղադրում է Ուտիքում. «Կողթ կամ ըստ վատիկանյան օրինակի՝ Կոխտ, Կողդթ, որն ընկնում է Գեղամա ծովի ելքի, Շամքոր եւ Խոջքար գետերի ակունքների միջեւ, Այրում գավառում, որը տեղադրեցինք Ուտիքում»²:

Ըստ Մ. Բարխուդարյանցի՝ այս գավառն «ընկած է Շամքոր գետակի ձախ, Կուր և Աղստև գետերի աջ ափերի և դաշտաբերանի մէջ, ստացած է Կողթ, Շամքոր և Զալկամ, այժմ Շամշադին և Ղազախ անունները»³:

Վ. Առաքելյանը Կողթը համարում է Արցախի 14-րդ գավառը, որը նույնացնում է Դաստափուրի շրջանին⁴:

Բ. Հարությունյանը Քուստի-Փառնես գավառից դեպի արևելք է տեղադրում Կողթ գավառը, որտեղ «նշանավոր է եղել քարայրունակի կամ պաղլեղի համքը ու ժամանակների Փիփի կամ Զազլիկ գյուղի մոտ»⁵:

Այս գավառում է գտնվում Աղաջղալա վանքը, համանուն ավերակ դղյակը՝ Խաղխաղ քաղաքի մոտ:

Գավառում են գտնվել Փիփը, Բանանցը, Քարհատը, որն այժմյան Դաշքեսան քաղաքն է, իսկ գավառը՝ Աղբեջանի Դաշքեսանի շրջանը:

Գավառը սահմանակից է արևելքից՝ Մեծկողմանքին, հյուսիսից՝ Ուտիք նահանգին, արևմուտքից՝ Քուստիփառնեսին և Սյունիքի Սոտք գավառին, հարավից՝ Վայկունիքին:

Ամփոփելով Արցախի 12 գավառների մասին մեր դիտարկումները՝ նշենք, որ այս գավառների անվանումները հայկական ծագում ունեն: Տեղին է Աս. Մնացականյանի նկատառումը, որ հիշատակելով Մեծ Իրանք, Մեծ Կողմանք, Մխանք, Վայկունիք, Բերծոր գավառների անունները և մի քանի այլ անձնանուններ՝ գրում է. «Անհրաժեշտ էլ չէ, որ բացատրվի այս տեղանունների ու անձնանունների հայկական ծագումը, որովհետև նրանք ոչ մի այլ լեզվով չեն կարող բացատրվել, եթե զանց առնվի հայերենը»⁶:

Եզրակացություն

1. Ուսումնասիրելով Արցախի գավառների խնդիրը՝ գալիս ենք այն եզրակացության, որ այդ «Աշխարհացոյց»-ում Արցախի գավառների թիվը 12 է, թեև սխալմամբ հիշատակվել է 13 անուն, իսկ ուսումնասիրողները սխալմամբ թվել են 14⁷, 15⁸, 24⁹ գավառներ, ինչը ևս անընդունելի է:

2. Ս. Երեմյանը փորձել է Մյուս Հաբանդ գավառը նույնացնել Սիսական ի Ոստան կամ Սիսական ի Կոտակ գավառի հետ, ինչն իրավացիորեն չի ընդունել Բ. Հա-

¹ Փավստոս Բուզանդ, Հայոց պատմություն, թարգմանությունը և ծանոթագրությունները Ստ. Մալխասյանցի, Երևան, 1987, էջ 120-121:

² Ղ. Ալիշան, Արցախ, 92:

³ Բարխուդարյանց Մ., Արցախ, էջ 21:

⁴ Մովսես Կաղանկատվացի, Պատմություն Աղվանից աշխարհի, էջ 285:

⁵ Հարությունյան Բ., նշվ. աշխ., էջ 81:

⁶ Մնացականյան Աս., Աղվանից աշխարհի գրականության հարցերի շուրջը, Երևան, 1966, էջ 46:

⁷ Տե՛ս Ինձիձեան Ղ., Ստորոգութիւն հին Հայաստանայց, էջ 105-106:

⁸ Տե՛ս Կարապետյան Ս., Արցախ, քարտեզագիրք, էջ 1:

⁹ Տե՛ս Բարխուդարյանց Մ., Արցախ, էջ 2:

րությունյանը, և վերջինս Մյուս Հաբանդը տեղադրել է «Սյունիքի Հաբանդ գավառի հարևանությամբ՝ տարածելով այն մինչև Ամարասի կողմերը», ինչը ևս ընդունելի չէ, քանի որ Սյունիքի Հաբանդ գավառին սահմանակից է Բերձոր գավառը, որից անդին նոր միայն Մյուս Հաբանդ գավառն է, որի սահմանները տարածվում են Քիրսի լեռնաշղթայից մինչև Մուղանի դաշտի արևմտյան սահմանը՝ մինչև Ամարաս և Կարկառ գետի ողջ աջափնյակը՝ մինչև Ակնա քաղաք:

3. Բերձորը տարածվում է Արաքս և Աղավնո գետերի միջև՝ Քիրս և Դիզափայտ լեռների հարավային լանջերից մինչև Սյունիքի սահմանները՝ ըստ «Հայաստանի և հարակից շրջանների տեղանունների բառարան»-ի, որտեղ գավառը սխալմամբ նույնացվել է Ջաբրայիլի շրջանին, ապա անորոշ հղմամբ նույնացվել նաև Վերին Խաչենին: Ս. Երեմյանը և Բ. Հարությունյանը սխալմամբ այն տեղադրել են Թարթառի հովտում, մինչդեռ Բերձոր գավառի սահմանները տարածվում են Հազարի գետի միջին հոսանքի ծախսափնյա հատվածում՝ մինչև Քիրսի լեռնագագաթ: Սա հաստատվում է նաև Կառնակաշ բերդի, Ուռեկանի և Հակարի գյուղերի Բերձորում գտնվելու փաստով: Գավառը արևմուտքում Հազարի գետով սահմանազատվում է Սյունիքի Հաբանդ գավառից, արևելքում սահմանակից է՝ Մյուս Հաբանդին ու Պազկանքին, հարավում՝ Սիսական Ոստանին, հյուսիսում՝ Վայկունիքին ու Մեծիրանքին:


4. «Հայաստանի և հարակից շրջանների տեղանունների բառարան»-ում ավելացնել «Դոգլու» վտակի մասին տեղեկությունը. այն միանում է Հազար գետին մինչև Հարար օժանդակի միանալը՝ այժմյան Բերձոր քաղաքից դեպի Հարար ընկած հատվածում՝ սկիզբ առնելով Սուարասը գյուղի շրջակա լեռներից:

5. Հարձլանքը Վարադայի (Ֆիզուլի) գավառն է, որի սահմանները հասնում են մինչև Տողագետի ստորին հոսանքներ և Արաքս գետ: Գավառը հյուսիսից սահմանակից է Մուխանքին, արևելքից՝ Ուտիք նահանգին, արևմուտքից՝ Պիանքին, Պազկանքին, Մյուս Հաբանդին, հարավում՝ Արաքս գետին:

6. Պիանք գավառը պետք է տեղադրել Արաքսի դաշտաբերանի ու Հարձլանք գավառի միջակա տարածքում, որն այժմյան Ջաբրայիլն է: Գավառը արևելքից սահմանակից է Հարձլանքին, հյուսիսից՝ Պազկանքից, արևմուտքից՝ Սիսական Ոստանին, հարավից՝ Արաքս գետին:

7. Պազկանքը Իշխանագետի աջ ափից մինչև Դիզափայտի լեռնաշղթայի գագաթնագիծն ընկած տարածքն է, որը է արևելքից սահմանակից է Հարձլանքին, հյուսիսից՝ Մյուս Հաբանդին, արևմուտքից՝ Բերձորին, հարավից՝ Պիանքին:

8. «Աշխարհացոյց»-ում Սիսական Ոստան անվանված գավառը, որ «զՍիսականիս, զԿոտակ» և «Սիսականք, Քուսակք» սխալ կետադրությամբ է ներկայացվել «Մատենագիրք հայոց»-ում, առաջարկում ենք սրբագրել, քանի որ հիշյալ գավառները՝ Սիսական Ոստան, Սիսական Կոտակ, Սիսական Քուսակք և Սիսական Ռոտաստակ նույն գավառն են, և անընդունելի է այս գավառը Մյուս Հաբանդի հետ նույնացնելը, ինչը սխալմամբ արվել է «Հայաստանի և հարակից շրջանների տեղանունների բառարան»-ում: Սիսական Ոստան գավառը տարածվում է Դիզափայտ լեռնագագաթից դեպի հարավ-արևմուտք՝ մինչև Արաքս գետը, արևմուտքում՝ մինչև Հազարի գետը, իսկ հյուսիսում՝ Ամուտեղ լեռը: Գավառը է հյուսիսից սահմանակից է Բերձորին, արևելքից՝ Պիանքին, հարավից՝ Արաքս գետին, արևմուտքից՝ Սյունիքի Հաբանդ գավառին, որի սահմանը Հազարի գետն է:



ԳՐԱԿԱՆՈՒԹՅՈՒՆ

1. Ադոնց Ն., Հայաստանը Հուստինիանոսի դարաշրջանում, Երևան, 1987:
2. Ալիշան Ղ., Արցախ, Երևան, 1993:
3. Ալիշան Ղ., Տեղեկագիր Հայոց Մեծաց, Վենետիկ, 1855:
4. Բարխուդարեանց Մ., Արցախ, Բագու, 1895:
5. Երեմյան Ս., Հայաստանը ըստ «Աշխարհացոյց»-ի, Երևան, 1963:
6. Ինճիճեան Ղ., Ստորոգութիւնս հին Հայաստանեայց, Վենետիկ, 1822:
7. Կարապետյան Ս., Արցախի կամուրջները, Երևան, 2009:
8. Կարապետյան Ս., Արցախ, քարտեզագիրք, Երևան, 2016:
9. Հակոբեան Ա., Խաչէն-Խոխանաքերդ ամրոցը եւ նրա իշխանատոհմը Թ.-ԺԳ. դարերում, Հանդէս Ամսօրեայ, 2010, թիվ 1-12, էջ 71-171:
10. Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 1, Երևան, 1986:
11. Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 2, Երևան, 1988:
12. Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 3, Երևան, 1991:
13. Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 4, Երևան, 1998:

14. Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հտ. 5, Երևան, 2001:
15. Հարությունյան Բ., Հայոց Արեւելից կողմերի և Աղվանքի պատմության ու պատմական աշխարհագրության հարցեր, Հոդվածների ժողովածու, Երևան, 2016:
16. Հյուբշման Հ., Հին հայոց տեղւոյ անունները, Վիեննա, 1907:
17. Ղանալանյան Ա., Ավանդապատում, Երևան, 1969:
18. Մատենագիրք հայոց, հտ. Բ, Անթիլիաս-Լիբանան, 2003:
19. Մատենագիրք հայոց, հտ. ԺԵ., Երևան, 2011:
20. Մեսրոպ Վայոցձորեցի, Սուրբ Գրիգոր Լուսավորչի տոհմի մասին և սուրբ Ներսես հայոց հայրապետի պատմությունը, թարգմանությունը գրաբար բնագրից, առաջաբանը և ծանոթագրությունները՝ Վանո Եղիազարյանի, Երևան, 2015:
21. Մինասյան Թ., Արցախի գրչության կենտրոնները, Երևան, 2015:
22. Մկրտչյան Շ., Արցախ, պատմամշակութային համառոտ ակնարկ, Երևան, 1991:
23. Մնացականյան Աս., Աղվանից աշխարհի գրականության հարցերի շուրջը, Երևան, 1966:
24. Մովսես Կաղանկատվացի, Պատմություն Աղվանից աշխարհի, թարգմանությունը, առաջաբանը և ծանոթագրությունները՝ Վարազ Առաքելյանի, Երևան, 1969:
25. Մովսես Խորենացի, Հայոց պատմություն, Երևան, 1981:
26. Ոսկեան Հ., Արցախի վանքերը, Վիեննա, 1953:
27. Պատկանեան Բ., Աշխարհացոյց է դարու, Ս. Պետերբուրգ, 1877:
28. Սարգսյան Ս., Արցախ, պատմաաշխարհագրական ձգարտումներ, Երևան, 1996:
29. Ուլուբաբյան Բ., Արցախի պատմությունը սկզբից մինչև մեր օրերը, Երևան, 1994:
30. Ուլուբաբյան Բ., Խաչենի իշխանությունը X-XVI դարերում, Երևան, 1975:
31. Փավստոս Բուզանդ, Հայոց պատմություն, թարգմանությունը և ծանոթագրությունները Ստ. Մախսատյանի, Երևան, 1987:

REFERENCES

1. Adonc N., Hayastany Hustinianosi darashrganum, E., 1987:
2. Alishan X., Arcax, E., 1993:
3. Alishan X., Texekagir Hajoc Metsac, Venetik, 1855:
4. Barxudaryanc M., Arcax, Bagu, 1895:
5. Eremyan S., Hajastany yst «Ashxarhacujc»-i, E., 1963:
6. Inchichyan X., Storogtiun hin Hajastaneajc, Venetik, 1822:
7. Karapetyan S., Arcaxi kamyrgnery, E., 2009:
8. Karapetyan S., Arcax, qartezagirq, E., 2016:
9. Hakobyan A., Xachen-Xoxanaberd amrocy ev nra ishyanatohmy 9-13 darerum, Handes Amsorya, 2010, tiv 1-12, eg 71-171:
10. Hakobyan T., Meliq-Baxshyan St., Barsexian H., Hajastani ev harakic shrganneri texanunneri bararan, ht. 1, Ереван, 1986:
11. Hakobyan T., Meliq-Baxshyan St., Barsexian H., Hajastani ev harakic shrganneri texanunneri bararan, ht. 2, Ереван, 1988:
12. Hakobyan T., Meliq-Baxshyan St., Barsexian H., Hajastani ev harakic shrganneri texanunneri bararan, ht. 3, Ереван, 1991:

13. Hakobyan T., Meliq-Baxshyan St., Barsexian H., Hajastani ev harakic shrganneri texanunneri bararan, ht. 4, Ереван, 1998:
14. Hakobyan T., Meliq-Baxshyan St., Barsexian H., Hajastani ev harakic shrganneri texanunneri bararan, ht. 5, Ереван., 2001:
15. Harutyunyan B., Hayoc Arevelic koxmeri ev Axvanqi patmutyan u patmakan ashxarhagrutyan harcer, Hodvacneri goxovacu, Ереван, 2016:
16. Hyubsman H., Hin hayoc texvo anunnery, Vienna, 1907:
17. Xanalanyan A., Avandapatym, Erevan, 1969:
18. Matenagirq Hayoc, ht. B, Antilias-Libanan, 2003:
19. Matenagirq Hayoc, ht. JE., Erevan, 2011:
20. Mesrop Vayocdzoreci, Surb Grigor Lusavorchi tohmi masin ev surb Nerses hayoc hajrapeti patmutyuny, targmanytyuny grabar bnagric, aragabany ev canotagrutyunnery Vano Eghiazaryani, Erevan, 2015:
21. Minasyan T., Arcaxi grchutyan kentronnery, Erevan, 2015:
22. Mkrtchyan Sh., Arcax, patmamshakutayin hamarot aknark, Erevan, 1991:
23. Mnacakanyan As., Axvanic ashxarhi grakanutyan harceri shurgy, Erevan, 1966:
24. Movses Kaxankatvaci, Patmutyun Axvanic ashxarhi, targmanutyuny, aragabany ev canotagrutyunnery Varag Araqelyani, Erevan, 1969:
25. Movses Xorenaci, Hayoc patmutyun, Erevan, 1981:
26. Voskean H., Arcaxi vanqery, Vienna, 1953:
27. Patkanean Q., Ashxarhacuyc 7 daru, S. Peterburg, 1877:
28. Sargsyan S., Arcax, patmaashxarhagrakan chshgrtumner, Erevan, 1996:
29. Ulubabyan B., Arcaxi patmutyuny skzbic minchev mer orery, Erevan, 1994:
30. Ulubabyan B., Xacheni ishhanutyuny X-XVI darerum, Erevan, 1975:
31. Pavstos Buzand, Hayoc patmutyun, targmanutyuny ev canotagrutyunnery St. Malxasyanci, Erevan, 1987:

РЕЗЮМЕ

Области Арцаха по «Ашхарацуйцу» и вопрос их местоположения

Егiazарян Вано

*Ванадзорский государственный университет,
кафедра армянского языка и литературы,
доктор филологических наук, профессор*

Акопян Лерник

*Ванадзорский государственный университет,
кафедра армянского языка и литературы,
кандидат филологических наук*

Предметом данной статьи являются провинции Арцаха и корректировка их географического положения. Цель статьи – максимально дополнить и обобщить сведения о провинциях Арцахского мира в «Словаре топонимов Армении и сопредельных регионов». Современность статьи заключается во введении точной информации в арменоведение, и на практике она послужит арцахистике. В статье использованы исторический метод и метод герменевтики. Научная новизна статьи заключается в уточнении количества провинций Арцаха путем правки оригинала «Ашхарацуйцу», а также местонахождения 12 провинций и

исправлении сведений, представленных в «Словаре топонимов Армении и сопредельных регионов».

Ключевые слова: Провинции Арцаха, словарь топонимов Армении и сопредельных регионов, проверка местонахождения провинций, новые топонимы.

SUMMARY

The Regions of Artsakh by "Ashkharatsuits" and the Question of their Location

Yeghiazaryan Vano

Vanadzor State University,

Department of Armenian Language and Literature,

Doctor of Philology, Professor

Hakobyan Lernik

Vanadzor State University,

Department of Armenian Language and Literature,

Candidate of Philological Sciences

The subject of this article is the provinces of Artsakh and the adjustment of their geographical location. The purpose of the article is to supplement and summarize information about the provinces of the Artsakh world as much as possible in the "Dictionary of Toponyms of Armenia and neighboring Regions". The modernity of the article lies in the introduction of accurate information into Armenian studies, and in practice it will serve Artsakh studies. The article uses the historical method and the method of hermeneutics. The scientific novelty of the article consists in clarifying the number of provinces of Artsakh by editing the original "Ashkharatsuits", as well as the location of 12 provinces and correcting the information provided in the "Dictionary of Toponyms of Armenia and Neighboring Regions".

Key words: Provinces of Artsakh, dictionary of toponyms of Armenia and neighboring regions, Ashkharatsuits, checking the location of provinces, new toponyms.